

Аркенова Жадыра Рамазановнаның 6D051000 «Мемлекеттік және жергілікті басқару» мамандығы бойынша философия докторы (PhD) дәрежесіне ізденуге арналған «Қазақстан Республикасында мемлекеттік стратегиялық жоспарлауды ғылыми қамсыздандыруды жетілдіру» тақырыбындағы диссертациясына ғылыми кеңесші пікірі

Қазіргі уақытта Қазақстан Республикасында мемлекеттік басқарудың тиімді жүйесін қалыптастыру мақсатында жүргізіліп жатқан қайта құрулар әкімшілік және бюджеттік реформаларды қамтиды.

Зерттеу тақырыбың өзектілігі көптеген елдердің, оның ішінде Қазақстанның мемлекеттік басқару жүйесінде стратегиялық жоспарлау мен болжау ролінің артуымен негізделген. Қазіргі таңда стратегиялық жоспарлау мемлекеттік менеджменттің барлық деңгейлерінде қолданылатын тиімді басқару құралы және мемлекеттік жоспарлау жүйесінің үйлестірушісі болып табылады.

Осы құралдың өзектілігі республикада ғылымды қажетсінетін экономика моделін қалыптастыру жағдайында айрықша маңызды. Алайда, соңғы жылдары мемлекеттік стратегиялық жоспарлау маңыздылығының едәуір артуымен, мемлекетте оны дамыту мәселелері көптеген жылдар бойы ғылыми пікірталастар түрінде ғана қалып отыр. Бүгінгі таңда ғылыми ортада елдің (өңірдің) әлеуметтік-экономикалық дамуының ұзақ мерзімді мақсаттарына қол жеткізу үшін стратегиялық жоспарлау тетіктерінің тиімділігін бағалауға қатысты бір ұстанымның жоқтығын да атап өтуге болады. Бұл, өз кезегінде, тұтастай ел шеңберінде, сондай-ақ өңірлік шеңберде де стратегиялық және бағдарламалық құжаттардың әзірлену және іске асырылуында мәселелердің туындауына әкелуде.

Осыған байланысты мемлекеттік стратегиялық жоспарлау барысында ғылыми қамсыздандыру қағидатын қолдану маңызды.

Жоғарыда айтылғандарға байланысты ізденушімен диссертациялық жұмыста мемлекеттік стратегиялық жоспарлауды ғылыми қамсыздандыру теориялық тұрғыдан негізделіп, Қазақстандағы мемлекеттік стратегиялық жоспарлауда ғылыми зерттеулерді қолданудың негізгі үрдістерін талдап, оның ішінде жекелеген мемлекеттік стратегиялық және бағдарламалық құжаттарды ғылыми қамсыздандырудың сапасы мен нәтижелілігіне баға беру, стратегиялық жоспарлауда ғылыми зерттеулерді ресурстық қамсыздандырылуын кешенді талдау арқылы мәселелік тұстары анықталып, мемлекеттік стратегиялық жоспарлауда ғылыми зерттеулерді жетілдіру жолдары ұсынылған.

Дәлірек тоқталсақ, ізденушімен зерттеу нәтижесінде ғылыми жаңашылдықты беретін мынадай негізгі нәтижелерге қол жеткізілген: Қазақстанда мемлекеттік стратегиялық жоспарлауды ғылыми қамсыздандыру мәселесі анықталды; мемлекеттік стратегиялық жоспарлаудағы әдіснамалық негіздер жинақталып, ғылыми зерттеулердің мәні, құралдары, әдістері нақтыланды; қазақстандық ғылымда алғаш рет мемлекеттік стратегиялық жоспарлауда ғылыми зерттеулерді қолдану үрдістеріне талдау жүргізілді;

